

外交報彙編

第十冊

論禁止無君黨之策 譯美國十一月更教週報

美國處置無君黨之法較他國爲難。一由其黨不容於歐洲各國。遂以美國爲逋逃藪。二由民主之國辦理無君黨之刑律。每不能如君主國之嚴。無君黨先受本國政府苛待。始來美國。既處美國寬和政體之下。宜如何安靜自守。乃黨人以美國雖號民主。政府猶存。遂亦不暇分別。意圖傾覆。蓋其黨宗旨。無論爲君主。爲民主。凡有政體之國。俱所不喜。祇以本國防範甚嚴。不能舉事。見美以平等相待。遂欲以其所憤本國者。移而洩之於美。然則若輩固不宜以和平律例相待矣。今有人擬請政府嚴定律例。以免匪人踵至。凡著名無君黨人。無論其曾否犯事。悉禁入境。此法果行。其魁傑斷不能來。來者不過其稍亞之徒黨。禁之之法。宜在美國駐紮各國領事署中。設一密探隊。專偵查無君黨之蹤跡。又於美國口岸。設立專員。遇行客到埠。嚴切稽查。或謂此事甚難。然推其極。亦不過如兩國交戰時。嚴防間諜而已。無君黨既以破壞一切政體爲宗旨。卽爲萬國之公仇。擒獲之後。以待間諜者待之。誰曰不宜。若僅

將已來者嚴懲。而於未來者毫不防遏。恐難有濟。此禁止之一法也。凡外國人到美之後。先考其學問之程度。次察其行事之宗旨。果其喜愛美國律例。始許留居。雖無君黨人多。聰明有學。此法恐不足以窮之。然能使無識之流。不入我境。亦正本清源之道。蓋人之仇忌政府而懷此無君之心者。大抵皆由於不學也。外人來美。學問固須中程。資斧亦不可缺。竊謂宜別定一例。凡外人流寓美國。須攜資若干。以上方可。如此。則凡來美者。俱屬上流。其效亦將與考驗學問相同。且此事有二益焉。一。本國工人利權。不至爲外人所奪。而不平之氣。以消。二。本國文明教化。不至爲下流所污。本國人亦不至沾染外國之惡習。而禁絕無君黨之意。卽寓其中。此又一法也。

按無君黨義。取平等。非獨君主爲所不喜。卽民主亦所不容。充其弊。必至破壞全球大局。故美國自前總統被刺後。遂議嚴禁中國民智未開。而民權自由之說。已自西方輸入。深恐無識之輩。不暇辨別。誤陷入此黨窟中。故譯此以示儆。

迷信之不能盡滅。猶罪惡之迹之不可盡絕。一社會中。知識既殊。信仰遂異。此自然之勢。而無如何者也。雖然。抵制之。矯正之。豫防其弊。有識者宜注意焉。今舊信仰廢。新信仰代。懷疑迷信。各逞其勢。而淫祠邪教。跳梁跋扈。凡宗教派。皆有幾分迷信之弊。如彼教之天理蓮門富士丸山等。屢蒙攻擊者。姑不具論。其十三教派及附屬之數千教會。盡是迷信之團塊。無一定之教義。唱妄誕不稽之怪說。乘人弱點。說吉凶禍福。玉禁厭祈禱。以鼓吹迷信。欺上流社會之無智者。及下層人民之愚夫愚婦。貪財敗俗。蠱惑人心。妨礙教育。阻害衛生。種種弊竇。不可枚舉。名雖神道。實則與水田平居諸先哲之所唱全異。原夫其始。依傍佛氏。構成宗教。遂爲兩部集合之神道。其後參以儒者國學者之說。已難適切。維新之際。當局者復不審察。於不能獨立之神道教。排除其佛教一部分。遂若目爲國教。而宣布於大教院。然時勢進步。政府知其誤。亦遂放棄。而衣食其中者。仍繼其業。創種種曖昧之舉動。誘愚蒙之迷信。扶植已過時代之混沌信仰界一種之勢力。至於今日。漸見隆盛。都鄙所至。會堂巍巍。蹈歌

說教鼓惑庸衆。昔有社會共產黨。發表其主義綱領。曾遭禁止。彼天理教之徒。乃共產主義之極者。何獨宥之耶。世人多非本願。寺派之吸收主義。之即變化而爲是等邪教。破產傾家者。乃反見其多。故神道各派教會。視佛教各派寺院爲充裕。夫佛教固主吸收。然尙有興教育。行慈善。爲社會共謀福祉者。至神道則惟剝民脂膏以自肥。世人又嘲僧侶無智墮落。然僧侶尙有幾分文字之素養。至神道則有讀書力者甚稀。而宣教機關會堂。乃以萬計。宣教者乃至十萬以上。何耶。嗚呼。明治之初。政府措置已誤。致今日文明世界。尙有此淫祠邪教。良爲可羞。設使行政方針。仍無定向。則一時禁遏之效。轉瞬卽逝。今在位者。頗以整飭風俗爲己任。尙望於有害無利之神道各派。予以嚴正之處分也。雖然。僅恃政府處分。弊猶未絕。凡宗教中之專事厭祈禁禱者。必以迷信爲生命。除其根柢。不可不代以正信。如佛教徒。如基督教徒。何弗互釋其爭。而盡力掃盪此等之迷信耶。若徒譏笑其教義之淺薄。有空言而無實力。而天理教之會堂。仍巍然卓立於帝都之間。吾不能不爲真正宗教家恥已。

論治理斐律濱羣島之策 譯美國十一月禮部月報

本年九月十六日駐斐律濱羣島美國提督差飛君將斐律濱羣島情形函報美國兵部大臣云予自在中國平亂至斐律濱以來留意考察此地情形并斟酌管轄土人之法方初至時卽知治理非易今更確有所見聞前提督杜維君報稱島中土人較古巴土人爲善良宜以文治不必專用軍律予素敬佩杜君惟此言殊不謂然請明辨之士人嗜好議論識見及所奉之教與西班牙無異事事與美人相反美人占取此島土人心甚不甘祇因美國兵力盛強故暫時詐稱悅服一旦有機可乘必羣起而復叛亂黨頭目阿基那杜卽其一也阿某今雖降服予終不敢深信此地人民素崇奉天主教自被美人管理時懼耶穌教盛天主教衰土人既存此見予卽難保其常此安分而不生亂也欲安其心必先安其素所崇奉之教此事惟有與羅馬教皇立約聲明再由教皇轉致土人始能泯其猜疑庶後來亂事可免至政府垂詢美國駐紮斐律濱羣島各兵何日可退一節以予觀之屯兵至少三萬以二十五年爲

期。因土人大半野蠻。倘兵力稍弱。屯期短暫。恐難鎮服也。

美國現設文員。統治島民。人多謂如此辦法。必有成效。現任他夫君。有幹才能辦事。然措置一切。甚爲棘手。久歷艱苦。不免有畏難之心。美國新設工部局十餘所。悉命土人自辦。美人爲之助。然土人難信。若任其獨治。必至擾亂。他夫君頗萌退志。雖未明言。然水土既不相宜。庶事又虞叢脞。故殊不願久居此土也。美國所立教育之法。已盡美善。然非旦夕所能奏效。凡美兵駐紮之處。地方甚形安謐。其兵力所不到者。卽時有擾攘。美國政策。文武兼用。本欲求地方安靖興盛。人民共樂太平。但土人智慧未開。不知吾美用意所在。故欲求土人改良遷善。非先掃盪其蠻野識見。而以文明之治。灌入其腦髓之內。恐無由副我輩之期望。然此又非一朝一夕之所能成也。按美提督既言島人嗜好議論。識見及所奉之教。無異西班牙人。而又自以野蠻。然則何以處西班牙乎。阿基那杜血戰數年。欲求自立。美先許之。而卒食言。既食言矣。於是不得不專逞強力。嗟乎。人不自立。而求助於人。固如是其可畏哉。

與他處往來之白人相肖而絕不近美洲印度人耶縉之居美黑人亦欲之教化其所成事業自非獨棲非洲者所能及各地方亦出有美才可教之黑人但欲以平等相待則不可不慎蓋統合衆國八百萬黑人類是者固甚少也

司梯反之言如此其旨蓋謂居美黑人雖較在非洲本土者爲勝然終不能與白人並立云

是報末幅復有論居美黑人事業數節茲併錄之

黑人於一千八百二十七年始刊一新聞紙於紐約名曰自由報至於今黑人定期刊行之件已有二百餘種其新聞紙則皆以增進同種利益爲宗旨其中有月刊雜誌二三種

黑人精醫學者頗不乏人樓加戈之丹紐爾威廉氏尤著名美西爭戰時曾從軍充軍醫監

黑人夙重宗教故修神學者多首出者亞瑟山大滑忒爾氏刊脫加邦人也任宣教

師十九年奉僧正職三十三年常在英倫傳教。尚有亞弗多拉者與齊名。黑人宜小商而不宜大賈。故黑人罕以大商名者。刊脫加邦單奈低爾氏善投機能獲利以富聞。

其他以學問著述技術音樂著名者。尙有數人。然所造僅足與尋常白人相比。其所以見重於世者。正以其爲黑人也。其犖犖者。詩人則有登尼司氏。著作家則一撰希臘讀本。一纂社會學。一輯居美黑人歷史。共有三人。亨利壇納氏號能畫。嘗以其所繪天使援拉撒路圖。送之巴黎。彼都人士贊賞不置。後爲法政府所購云。

按黑人爲地球上最劣人種。然以美國之文明陶鑄之。竟能使其知醫修教善詩畫。然則教化之力。固可以與造物爭也。蠢蠢如黑人。亦知增進同種利益。而我黃種於愛國合羣之道。今果何似。彼有新聞雜誌二百餘種。而我國報章之可誦者。乃不及其十之一焉。能不愧哉。能不愧哉。

最近北美而利費月報載美國統計局長窩司吉世界國債論。摘譯如左。

窩君先舉現時世界國債總額。更證以近五十年債額之增進。曰。現時世界國債之總額。凡三百十八億圓。其本年募集者。英國公債一億五千萬圓。俄國公債八千五百萬圓。德國公債七千五百萬圓。然溯一千七百九十三年。即拿破崙戰爭之初期。國債總額。僅二十五億圓。以十九世紀初年之債額。與末年相較。不過十分之一耳。故輓近半世紀間。債額之增進。吾人尤當注目。一千七百九十三年至一千八百四十八年。世界債額。由二十五億圓增至八十五億圓。一千八百四十八年至一千九百一十一年。由八十五億圓增至三百十八億圓。然則自一千七百九十三年至一千八百四十八年五十五年間。增加之額。爲六十億圓。每年平均數爲一億九百萬圓。自一千八百四十八年至一千九百一十一年五十三年間。增加之額。爲二百三十億圓。每年平均數爲四億三千四百萬圓也。即十九世紀之後五十年。世界國債額。比前五

十年實有四倍增進之速度也。

窩君又言近五十六年國債之增進有二原因。一水陸運輸機關採用蒸氣鋼鐵築造鐵道氣船。二增加戰爭費及陸海軍備維持費。二因之中以後者爲有力。前者之內則由近時各國唱鐵道國有之說致有私設鐵道之補助金故頗占巨額云。

窩君於是更指摘諸國債額增進之事實而論之曰。當此國債額增進不止之時而獨反其風潮之傾向。減退債額者。獨英國與北美合衆國而已。英國債額一千八百五十七年在四十億圓以上。及一千九百年減退約三十億圓。但一千九百年三月以後。約增加四億五千萬圓。而北美合衆國國債額其達於最高之時。爲一千八百六十五年。總額二十七億五千六百四十三萬一千五百七十一圓。至一千九百年。降至十一億七百七十一萬一千二百五十七圓云。

繼又更進一說。以一千八百七十年至一千九百年三十年間債額增進之速度。證其與民族所有之關係曰。臘丁阿美利加國民之國債額。此三十年間增加百分之

五十。歐洲諸國除英國債額共增加百分之百。亞細亞國民增加百分之二百。英國殖民地除印度外共增加百分之三百至四百。英國計減少百分之二十五。北美合衆國計減少百分之五十。欲明其故當就各民族貸資之習俗加意研究也。如歐洲諸國西班牙債額一千八百七十四年後增二倍有餘。義大利一千八百七十年後亦增二倍。葡萄牙國民每人分任之額爲歐洲第一。法國一千九百年國債五倍於一千八百五十二年。尤不可不注意焉。

更附論各國民族負債之性質。曰日耳曼民族國債此五十年間雖有增加而同時有生利之資產在。如鐵道及其地築造物是也。斯拉夫民族所增頗巨亦有一部之鐵道及其他築造物在。臘丁民族所增尤速。然所存生利之資產則比較爲最少也。印度及英國殖民地公債之增大。抵以鐵道道路水道運河港灣等工程爲因。然英國及北美合衆國國債之增則專由於爭戰。蓋當其平和之時固以次第減少其因戰所生之債爲方針也。

又論各國政府所起國債之債權。主即債曰。英奧法德和蘭及比利時各國國債。殆全

以各本國之民操其債權。義大利西班牙葡萄牙及俄國。則公債證券。有若干爲國

民之所操。若干爲法德人所有也。臘丁亞美利加民族之公債證券。屬於英國人。支

那日本之公債。大抵募集於英比德法。而英國殖民地。則募集於英國也。

既又以此種之研究。決斷世界國民支給國債能力之增進。殆與國債額之增進相

匹敵。曰。測定各國國民支給國債之能力。較之測定國債額爲難。稽核人口。稍得精

密。諸大國貨幣之額。亦能得其崖略。惟關於行用之鈔票及諸國國富之額。頗難測

定其增進之分數。模略言之。則世界各國債額。於晚近一世紀間。有十倍之增加。而

世界人口。僅增加百分之百五十而已。供國債之支給爲貨幣。貨幣之基礎爲金銀。

金銀之額。僅增加百分之三百而已。但此等金屬。今用於貨幣之分數。大於十九世

紀之初年。由此觀之。支給國債能力之進步。似不及國債額之增進遠甚。雖然。貨

幣之種種交換。極爲方便。固不能精測其額。要其增進之分數。不劣於國債額增進

之分數固有可信之理也。北美合衆國、英國、法國、西班牙當一千八百年間，其國富總額約得二百億圓。然一千八百九十五年，模克爾之計算已及一千九百五十億圓。則十九世紀末年之富額，比於其初年之富額，亦有十倍之增加也。其他各國亦姑用此比例，則十九世紀間之國富額，可斷其與國債額同一增進也。即他國國富之進不及以上諸國之速，而今世內外貿易交易之方便，幣貨之增益，亦必補之而有餘也。

繼又舉今世諸國國債募集之法有二：一、實收額在額面價格以下者，一息率低下者，援引甚繁。今舉其一、二曰：先舉第一法之最顯著者，法國公債，由一千八百十六年至一千八百八十四年間，其以平價發行者，祇有三次，餘皆以時價發行。一千八百七十年之公債，以六釐息實收百之六十。一千八百七十一年，以五釐息實收百之八十二。一千八百七十二年，以五釐息實收百之八十四。至一千八百八十一年，則以二釐息實收百之八十三。次舉第二法之最顯著者，北美合衆國之公債，一千

八百六十五年息率。升至七釐三。一千九百年降至二釐。總計十九世紀各國公債之息率。在一釐五以下。

又見英美二國努力減退債額。而他國則非特不圖減退。且有增加。恐至無所底止。乃痛論其害。而以法意葡諸國公債爲的云。

窩君既列二表。更附數言。綜結其所論。略曰。世界中負債最大者。莫如法蘭西。總額五千八億八百六十五萬圓。次英國。總額三十四億九千四百萬圓。次俄國。三十二億五千三百萬圓。次義國。二十五億八千三百九十八萬三千七百八十圓。每人分任之額。最重者爲澳洲殖民地。每人至有二百六十三圓又十之九。每年本息並還。每人分任十圓又十之一四。雖然。其所以負此巨額者。皆由貴重有利之事業而起。然則不過爲外觀之負擔而已。

日本之輸入文明也。不過三十餘年。而其人之智力之愛國心之同化力。已占文明諸國樞要之地位。其進步之迅速。真足動世界各國之驚嘆。方日清戰役未興以前。居其地者詳察其文明進步之狀態。亦決不料其數年之後。忽現此大潛勢力。蓋日清一戰。實爲日本文明發見之始。無異在學生徒。離教師之監督。而表示獨立獨步之能力也。西洋諸國。昨方見其爲學校青年之生徒。忽焉而出其強力。與世界相頡頏。而爲黃色人種之教導。安得不起而驚駭耶。於是三國同盟。以制限其成功。萎衰其勢力。抑塞其妄想。而戰爭之效。遂爲所奪矣。

俄國連合德法二國。迫日本棄旅順港及遼東半島。以日本佔據兩地。清國帝都及政府。不免危險。且有礙朝鮮之獨立。永害東洋之平和。爲辭。當時日本政府。無力抗拒。遂棄其戰勝之效。然俄國以周旋之故。欲得報酬。遂自佔旅順口。而遣日本以直隸要害之威海衛。

英國初以三國同盟爲非。私表同情於日本。而自處於局外。然以英國舊來政略觀之。非自然之態度也。及俄國既占旅順口。果發現其本色。以對抗俄國勢力之名說日本。而占威海衛。

法德二國。雖不直接強奪日本戰勝之效。然法由是以得廣州灣。德由是以得膠州灣。故評當時日本之地位者。謂爲鵝蚌相爭。漁翁得利。蓋日本當時所得之純益。不過戰史上有名譽之一事而已。雖得清國之償金。兼有臺灣及澎湖島。然臺灣之亂無已時。澎湖島一不毛之地耳。

日本國民聞此干涉。意氣激昂。而政府不爲改其方針。惟謀擴充陸海軍。冀他日不再受此暴戾之干涉。

此新強國之動作。有極可驚者。卽以己國資本。於無多歲月間。能使工商各業陸海兩軍。皆具第一等國之資格。以占極東經濟之優勢。嗣後海軍之發達。必較今日爲迅速。有欲解決極東問題者。不可忽日本之勢力也。